

Rok u vezi priključenja telefona povratnicima istice sutra

OHR informira povratnike da rok za podnošenje zahtjeva za ponovno priključenje na telefonsku mrežu u Bosni i Hercegovini besplatno ili po cijeni od 50 KM istice sutra, u utorak 25. januara.

Odluka Visokog predstavnika o ponovnom priključenju predratnih pretplatnika na telefonsku mrežu, koja je donesena 30. jula 1999. godine, predviđa:

- PTT BiH, HPT i Telekom Srpske moraju ponovno priključiti telefon povratnicima koji su bili pretplatnici prije rata po cijeni ne većoj od 50 KM ako podnesu zahtjev do utorka, 25. januara.
- Povratnici nisu dužni plaćati telefonske račune iz perioda kada nisu bili u svojim domovima.
- Pretplatnici koji su ostali bez telefonske linije iz razloga što je u toku rata bila presječena ili dodijeljena nekoj drugoj osobi moraju priključak dobiti besplatno ako podnesu zahtjev do utorka, 25. januara.

Ukoliko povratnici do sutra ne podnesu zahtjev PTT-u koji pruža usluge u njihovom području, PTT ih može tretirati kao nove pretplatnike i zaračunati im puni iznos za priključak.

Povratnici koji su vec podnijeli zahtjev za ponovni priključak odgovarajućoj PTT organizaciji i koji su dobili negativan odgovor ili smatraju da im je naplaćena usluga po prevelikoj cijeni, mogu se obratiti najbližem Centru za pravnu pomoć pri UNHCR-u i uložiti žalbu. Centri za pravnu pomoć će proslijediti žalbe Savjetodavnom komitetu koji će po njima postupiti kod odgovarajuće organizacije PTT-a.

Ove odredbe iz Odluke Visokog predstavnika ostaju na snazi za izbjeglice i raseljene osobe kada se vrate ako podnesu zahtjev u roku od tri mjeseca nakon datuma povratka.